

Визьлы
визь юрттэ

Вакчияк

9-тй-10-тй октябре Москваын ортчоз клас-сэн кивалтисьёслэн нырысетйез форумзы. Отчы 85 улосьёсысь 1 сюрс дышетисьёс пыриськозы. Шаерись-тымы 9 визьнодасьёс ужаменызы но проектёсынызы тодматозы, мукетгёсылзёс дышетскозы. Бадзым саклык висьяськоз нылпиосты валаса будэтонлы.

5-тй октябре 1 ар тырмиз коронавирслэсь доразы эмьяськисьёс понна ужась колл-центрлы. Ар куспын 8-800-100-24-47 номеръя ог 95 сюрс адямиос вазиськизы, кылем сентябрь толзёе гинэ — 15 сюрс мурт. Юаньёслы 20 специалистгёс валэктон сётъяло.

Коронавирусэн югдур 6-тй коньвуонлы:

Черламын

Дунне	236 млн 668 сюрс 311
Россия	7 млн 662 сюрс 560
Удмуртия	55 сюрс 083

Бурмемын

Дунне	212 млн 51 сюрс 434
Россия	6 млн 778 сюрс 900
Удмуртия	44 сюрс 150

Вакцина пунктэмын

Индия	48,3 %
Россия	33,4 %
Удмуртия	27 % (вань калык пöльсы)



8-тй-13-тй коньвуонэ -3 +4 градус луоз, пильмаськылоз.



Виль книга

Малы кылбура нылкышно?



«Нылкышно дауре» бичетэн тодматскон. Авторёс Нина Вахрушева, Любовь Васильева, Александра Бочкарёва, Евгения Анисимова.

Туспуктйз Максим ЕГОРОВ

Национальной библиотеке люкаськылйзы шаерисьтымы кылбура нылкышноос. Ваньзы пöртэм гуртгёсысь, пöртэм удысёсын тыршо, пöртэм арлыдземь. Но соосты герза кылбуран мылкыдзы но 1 книга — алигес потэм «Нылкышно дауре» сборник.

Виль бичетэз поттйзы «Удмурт нылкышно кенеш» огазёськон но Йöскалык прессая юрт. Книгаез дасян бордын ужазы «Удмурт дунне» газетлэн валтись редакторез Елена Миннигараева но «Кенеш» журналлэн редакторез Анастасия Шумилова. Елена Миннигараева верамъя, кема дыр ёже солэн йыраз бергаз юан: малы кылбура гуртын улйсь нылкышноос?

— Аслэсьтыз жадемзэ, сюрэм вöсьсэ кышномурт

буйгатъяз кырзанэн. Мар малпаз, мар пумысен шумпотйз но куруктйз, со сярись ик гурлаз. Но котькуд калык кырзан сёрын вань ышем-вунэм автор. Гуртысь огшоры адями, ёмьсы — огшоры кышномурт. Вакытгёс воштисько ке но, удмурт нылкышнолэн пуш дуннеез (Ашалчи Оки кылбуран вакытысен кутскыса) туннэ но сыёе ик турлытурлы, ненег но бугырес. Кылбураёсазы — вордскем гуртсэс яратон, бырем гуртсылэсь мöзмон, арёслэн укыр жог ортчезы пумысен öпкелён, инкуазез утён, анай-атайёсэс дуньян но нылпиоссылы вазиськон. Соин ик ми люканы но поттыны тыршим гуртысь кылбура нылкышноослэсь чурьёссэс, — шуиз Елена Васильевна.

«Нылкышно дауре» пырем чурьёсысь шöдыны луэ, кыёе малпангёсын, сюрмаськонгёсын но осконгёсын уло туал

гуртоос. Анастасия Шумилова верамъя, удмурт литература оглом дунне литератураен ёш шока. Гуртысь нылкышноослэн поэзиязы но со умой аджиське.

— Кинлэн мар сюрэмзэ бугыряське, со сярись ик гожтэ аслаз чурьёсез. Со кытысь ке аджем каремын, асэстэмын öвёл, та малпангёс нылкышно сюрэм пыртй поттэмын. Соос аджо: гуртгёс быро, котыр жуг-жаг будэ, удмурт кылмес ум дуньяське шуыса. Та книгагись сое аджыны луэ. Удмуртлык, удмурт дунне но литература возиське нылкышно вылын. Шумпотйсько, книга кылдйз шуыса, — мылкыдзэ усйтй Анастасия Шумилова.

Виль книгаен но кылбурчиосын тодматскон ужрад туж шуныт мылкыдын ортчиз. Бичетэ пырем котькуд авторлы быдэн 5 книга дунтэк сөтиськиз.

Та книга улонын но историн ас интызэ шедьтоз, оске педагогика наукаосья кандидат, литературовед Любовь Фёдорова:

— Тйляд вань лыдзисьёсты. Тй асгёс гожьяськоды бере, мукет кылбураёслэсь но чурьёссэс лыдзиськоды, ёшатиськоды. Тй, оло, профессиональной кылбурчиос уд луэ. Но таёе литературатэк уз кылды чеберлыко литература но. Возь вылын котькудйз сяска чебер, котькудйз дуно, — шуиз Любовь Петровна.

Малы кылбура нылкышно? Та юанлы валэктон, лыдзисьёслэн но критикёслэн малпангёссы-учконгёссы, виль бичетэн тодматскон сярись пыр-почгес лыдзёды «Ингож» приложениысь.

Галина СЕМЁНОВА